



Broj: 03-50-1-1033-1/09
Sarajevo 11.09.2009. godine

ZAPISNIK sa 1. sjednice Nezavisnog odbora

Sjednica je održana 11. 9. 2009. godine sa početkom u 11,00 sati.

Sjednici su prisustvovali članovi Odbora: **Žiko Krunić, Bakir Dautbašić, Mato Jozić, Viktor Dadić, Ljubomir Kuravica, Enes Obralića, Dragan Savić, Stanko Nuić, Zijad Kadić**

Pored članova komisije sjednici su prisustvovali: Jasmin Ramović i Simonetta Silvestri iz EUPM, Dijana Šatara, Catharina De Lange i Ale Ljubunčić iz OHR, Nedim Hogić iz USAID/PSP, Sanja Škuletić-Dnevni Avaz, Miloš Jokić-BHT-1, Aida Kreho-Zakonodavnopравни sektor PSBiH, Edin Isanović Odjel za dokumentaciju i publikacije PSBiH i Medina Delalić iz Sektora za odnose sa javnošću PSBiH.

Sjednici su prisustvovali Alma Salkić-Mijić, koja je obavljala poslove sekretara Nezavisnog odbora i Željko Grubešić, savjetnik u Nezavisnom odboru.

Sjednicu je otvorio predsjednik Žiko Krunić, koji je i sazvaio sjednicu.

Za sjednicu je usvojen predloženi:

DNEVNI RED :

1. Konstituiranje Nezavisnog odbora,
2. Tekuća pitanja
 - pitanje utvrđivanja naknade članovima Nezavisnog odbora i osiguravanje drugih uslova za rad članovima Nezavisnog odbora.

Ad.1. Konstituiranje Nezavisnog odbora

Predsjednik Žiko Krunić pozdravio je sve prisutne i ukratko predstavio članove Nezavisnog odbora. Istakao je da su Odlukom Parlamentarne skupštine BiH o imenovanju članova Nezavisnog odbora kao nezavisnog tijela policijske strukture u BiH („Službeni glasnik BiH“ broj 59/09) imenovani predsjednik, zamjenici predsjednika i članovi. Svi članovi su primili k znanju Odluku Parlamentarne skupštine i na taj način je izvršeno konstituiranje Nezavisnog odbora.

Predsjednik je upoznao članove Nezavisnog odbora da je neposredno prije sjednice imao sastanak sa predstavnicima EUPM i OHR. Naglasio je da Nezavisni odbor čeka izuzetno važan i odgovoran posao. U svom radu trudit će se da Odbor svoje odluke donosi konsenzusom svih članova.

Predsjednik je dao riječ članovima, ali kako nije bilo prijavljenih za raspravu zaključio je raspravu o ovoj tački dnevnog reda.

Ad.2. Tekuća pitanja

- **pitanje utvrđivanja naknade članovima Nezavisnog odbora i osiguravanje drugih uslova za rad članovima Nezavisnog odbora**

U uvodu o ovoj tački dnevnog reda, predsjednik je upoznao članove Nezavisnog odbora da je imao sastanak sa sekretarom Zajedničke službe g. Aljošom Čamparom. Ukratko je članovima iznio tok sastanka i nabrojao sve koji su prisustvovali sastanku. Tema sastanka je bila međusobno upoznavanje i razmjena mišljenja o potrebnim uslovima za nesmetan rad ovog Odbora, što je po Zakonu o nezavisnim i nadzornim tijelima policijske strukture BiH, dužan osigurati Sekretarijat Parlamentarne skupštine BiH.

Otvorio je raspravu o ovoj tački dnevnog reda. U raspravi su učestvovali svi prisutni članovi.

Jednoglasno je usvojen **zaključak**:

Da se Zajedničkoj komisiji za administrativne poslove PSBiH uputi Prijedlog odluke o isplati novčane naknade i ostalih materijalnih prava članovima Nezavisnog odbora.

Da se u Prijedlogu odluke navede da se visina naknade treba odrediti u skladu sa Odlukom Vijeća ministara BiH o kriterijima za utvrđivanje novčane naknade za rad u upravnim odborima, nadzornim i drugim odborima i drugim radnim tijelima iz nadležnosti institucija Bosne i Hercegovine („Službeni glasnik BiH“ broj 19/09), na način da predsjedniku pripada pravo na naknadu u mjesečnom iznosu od dvije, a članovima u visini jedne i po prosječne plaće isplaćene u BiH u prethodnoj godini.

Svi članovi su se složili da Odbor treba što prije održati sjednicu, na kojoj će se razmatrati Poslovnik o radu.

Također su se svi članovi složili da je za rad ovog Odbora neophodno da se osigura adekvatan radni prostor.

Kako nije bilo drugih pitanja, predsjednik je u 12 sati zaključio sjednicu.

Privremeni sekretar
Nezavisnog odbora
Alma Salkić- Mijić

Predsjednik
Nezavisnog odbora
Žiko Krunić